


www.BibleForChildren.org




San Juan 14



Man c'a tisach ta ic'u'x, xcha' ri Jesús chique ri
rudiscípulos. Riyix can iniman ri Dios y can queri'
chuka' quinanimaj riyin, xcha' chique. Ri chila' chicaj
ri acuchi (achique) c'o wi ri Nata', c'o c'a sibilaj q'uiy
c'ojlibel ri xquec'oje' wi ri ye'apon riq'ui. Wi xa man
ta kitziy chi queri',
riyin xinbij yan
ta chiwe.



Wacami yibe chubanic y chuchojmirisaxic ri ic'ojlibel chila' chicaj riq'ui ri Nata'. Chubanic c'a ic'ojlibel tek yibe, y can yipe c'a chuka' chic jun bey, y yixinc'uj wuq'ui; riche (rixin) chi queri' ri acuchi (achique) yic'oje' wi riyin, chiri' chuka' xquixc'oje' wi riyix.



Y riyin ri Juan ri yin iwach'alal, can yin iwachibil
c'a chupan ri tijoj pokonal, can yin iwachibil
chupan ri rajawaren ri Dios, y can junan

chuka' xkac'ul ri nuya' ri
Jesucristo chake riche



(rixin) chi nikacoch'
ri tijoj pokonal.



Riyin xic'oje' c'a pa ti ruwach'ulef Patmos rubi',
jun ti ruwach'ulef ri c'o pa ya'. Chiri' xic'oje'
wi ruma ri ruch'abel ri Dios y ruma


chuka' chi xink'alajsaj
ri Jesucristo.



Y can yac'ari' tek xinna' chi ya ri Lok'olaj Espíritu ri
uc'uayon wuche (wixin). Xintz'et c'a chi ri chicaj c'o
jun lok'olaj ch'aquet y pa ruwi' ri ch'aquet ri' c'o c'a
Jun ri tz'uyul.



Y xenwac'axaj c'a chuka' quinojel ri ye ruq'uiytisan
ri Dios ri yec'o chuwech ri caj, ri yec'o chuwech ri
ruwach'ulef, ri yec'o chuxe' ri
ruwach'ulef, y ri yec'o chupan
ri mar, niquibij c'a: Ri tz'uyul
chupan ri lok'olaj ch'aquet y
ri Jesucristo
ri achi'el
Alaj Carne'l,
....




... can xtinimirisex ta c'a rubi', can xtiya'ox
(xtya') ta c'a ruk'ij y que ta chuka' ri' ri
ruc'ojlen, y xtik'alajin ta c'a ri
nimalaj ruchuk'a' riche (rixin)
xtibe k'ij xtibe sek, xecha'.




Y riyin ri Juan xintz'et c'a ri lok'olaj tinamit, ri c'ac'ac' Jerusalem. Xintz'et c'a chi ri tinamit ri', ruchapon nika pe chila' chicaj riq'ui ri Dios. Y can jabel c'a chojmirisan y wikon pe, can achi'el nuben


jun k'opoj
tek nuwik ri'
jabel riche
(rixin) chi más
nika chuwech
ri c'ajol ri
achoj riq'ui
nic'ule' wi.




Y yac'ari' tek xinwac'axaj chi c'o jun ri can riq'ui
ruchuk'a' nich'o pe chila' chicaj y nubij c'a: Tatzu'
na pe' chi ri Dios c'o quiq'ui ri winek, wacami ri Dios
can nic'oje' chiquicojol. Yec'a riye' ri ye'oc
rutinamit, y
ya c'a Riya'
ri qui-Dios.



Yac'ari' tek ri ángel ri uc'uayon wuche (wixin) xuc'ut
c'a chinuwech jun ch'ajch'ojlaj raken ya'; raken ya'
ri niya'o c'aslen. Ri raken ya' ri', achi'el vidrio
nitzu'un y nalex pe ri acuchi (achique) c'o wi ri
lok'olaj ruch'acat ri Dios y ri ruch'acat ri
Jesucristo ri achi'el Alaj Carne'l.



Ri tinamit ri' man c'a rajawaxic ta ri rusakil ri k'ij y
ri ic' chare, ruma ri nisakirisan riche (rixin), ya ri
nimalaj sakil riche (rixin) ri Dios y riche (rixin) ri
Jesucristo ri achi'el Alaj Carne'l.



Pero ronojel c'a ri xa tz'il, can majun bey c'a xtoc ta apo chupan ri tinamit ri'.

Ni majun chuka' winek ri nibano etzelal chuwech ri Dios ri xtoc ta apo chiri'.

Ni xa ta chuka' ri ye aj tz'ucuy tak tzij ri xque'oc ta apo chiri'.


Xaxu (xaxe wi) c'a ri tz'ibatal quibi' chupan ri wuj riche (rixin) c'aslen, ri ruwuj ri Jesucristo ri achi'el Alaj Carne'l, xaxu (xaxe wi) riye' ri xque'oc chiri'.




Y ri Dios can xtusu' c'a el ri ruya'al
runak' tak quiwech, y can xtuben chi
xtiq'uis el ri camic, ri ok'ej, ri jiloj y
ri k'axomal. Ruma ronojel ri xec'oje'
ojer xeq'uis, xcha' ri ch'abel ri'.




Y ri chiri' majun chic c'a ri xtika ta ruc'ayewal pa ruwi', ruma can majun chic mac. Can chiri' c'a xtic'oje' wi ri lok'olaj ruch'acat ri Dios y ri Jesucristo ri achi'el Alaj Carne'l. Y quinojel c'a ri ye rusamajel xtiquiya' c'a ruk'ij. Y ri chiri', can xtiquitz'et c'a ruwech. Y chuka' xtiquic'uaj c'a ri rubi' chi nic'aj tak quiwech.



Y xentz'et ri caminaki', chi ch'uti'k chi nima'k ye
pa'el apo chuwech ri Dios. Xejakalox c'a ri wuj, y xjak
c'a chuka' ri jun wuj riche (rixin) ri c'aslen. Quinojel
c'a ri caminaki' ri' can xk'at c'a tzij pa quiwi', y can
achi'el ri xequibanala', queri' chuka' ri
k'atoj tzij ri xban pa quiwi'. Achi'el ri
ye tz'ibatal chupan quinojel
ri wuj ri'. Y can chupan
c'a chuka' ri k'ak'
ri' xec'ak wi quinojel
ri winek ri ma
tz'ibatal ta quibi'
chupan ri wuj ri
riche (rixin) c'aslen.



Y ri Lok'olaj Espíritu y ri k'opoj ri nic'ule' riq'ui ri
Jesucristo ri achi'el Alaj Carne'l, niquibij c'a: Catam
pe Jesús. Y ri ye'ac'axan, can tiquibij chuka': Catam
pe Jesús. Y ri nichaki'j ruchi' y can nrajo' c'a nipe,
tipe c'a y tukumu' ri Ya' riche (rixin) c'aslen. Y re Ya'
re' xa nisipex.



Ri Dios can sibilaj yerajo' ri winek
ri yec'o chuwech re ruwach'ulef, y
rumari' xutek c'a pe ri Ruc'ajol
wawe' chuwech re
ruwach'ulef.



Riya' xaxu (xaxe wi) c'a jun Ruc'ajol
c'o, pero xutek pe riche (rixin) chi
xabachique c'a winek ri xtiniman
riche (rixin), ma xtibe ta pa tijoj
pokonal, xa can xtic'oje' c'a
ruc'aslen riche (rixin)
xtibe k'ij xtibe
sek.



Romanos 3:23

Ruma konojel xojmacun y rumari' tek yoj elesan ca riq'ui ri Dios ri can c'o ruk'ij ruc'ojlen.

Romanos 6:23

Ri rutojbalil ri mac xa camic nuc'om pe pa kawi'. Yac'a ri Dios nusipaj c'a chake ri c'aslen riche (rixin) xtibe k'ij xtibe sek. Y Riya' nusipaj c'a ri c'aslen chake ruma xa jun chic kabanon riq'ui ri Kajaf Cristo Jesús.

Hebreos 9:27

Riyoj winek ya'on c'a pa kawi' chi xaxu (xaxe wi) jun bey yojcom, y c'ac'ari' xtik'at tzij pa kawi'.



Efesios 2:8,9

Can ruma wi ri rutzil ri Dios tek xixcolotej ruma xicukuba' ic'u'x riq'ui. Ruma iyon riyix ma yixcowin ta nicol iwi', ri colotajic xa nisipex chake ruma ri Dios. Y ma ruma ta chi c'o samaj ri xiben tek xiwil ri colotajic, riche (rixin) chi queri' majun ri xticowin ta xtunimirisaj ri' y xtubij ta chi riyin xicowin xincol wi'.

Romanos 10:9,10

Wi nak'alajsaj riq'ui achi' chiquiwech ri winek chi ri Jesús yari' ri Ajaf, y chuka' nanimaj riq'ui ronojel awánima chi ri Dios xuc'asoj pe ri Jesús chiquicojol ri caminaki', yacolotej. Ruma nic'atzin chi riq'ui ronojel kánima tikanimaj ri Jesucristo riche (rixin) chi yojtz'etetej ruma ri Dios chi majun kamac. Y nic'atzin chi riq'ui ri kach'abel tikabij chi kaniman ri Jesucristo riche (rixin) chi yojcolotej.



Juan 3:16,17

Ri Dios can sibilaj yerajo' ri winek ri yec'o chuwech re ruwach'ulef, y rumari' xutek c'a pe ri Ruc'ajol wawe' chuwech re ruwach'ulef.

Riya' xaxu (xaxe wi) c'a jun Ruc'ajol c'o, pero xutek pe riche (rixin) chi xabachique c'a winek ri xtiniman riche (rixin), ma xtibe ta pa tijoj pokonal, xa can xtic'oje' c'a ruc'aslen riche (rixin) xtibe k'ij xtibe sek. Ruma chi ri Dios ma xutek ta pe ri Ruc'ajol wawe' chuwech re ruwach'ulef riche (rixin) chi noruk'ata' tzij pa quiwi' ri winek y noruya' ta ruc'ayewal pa quiwi'. Ma que ta ri'. Ri Dios xutek pe ri Ruc'ajol, riche (rixin) chi yecolotej ri winek chupan ri mac.



1 Juan 5:11-13

Yac'are' ri nuk'alajsaj ri Dios, chi ruya'on chic ri kac'aslen riche (rixin) xtibe k'ij xtibe sek, y re c'aslen re' riq'ui c'a ri Ruc'ajol nikil wi. Y ri ruc'ulun chic ri Ruc'ajol ri Dios pa ránima, c'o chic ri ruc'aslen riche (rixin) xtibe k'ij xtibe sek. Yac'a ri winek ri ma ruc'ulun ta ri Ruc'ajol ri Dios pa ránima, majun ruc'aslen riche (rixin) xtibe k'ij xtibe sek.

Riyin ntz'ibaj c'a ronojel re' chiwe riyix ri yixniman pa rubi' ri Ruc'ajol ri Dios, riche (rixin) chi niwetamaj chi c'o chic ic'aslen riche (rixin) xtibe k'ij xtibe sek y riche (rixin) chi nicuke' ic'u'x riq'ui ri Ruc'ajol ri Dios.



San Juan 14; 2 Corintios 5;
Apocalipsis. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Kaqchikel, Western Solola Bible (cak) © 2010, Wycliffe
Bible Translators, Inc. All rights reserved.

<https://www.bible.com/bible/570/MAT.1>

©2024 Bible for Children, Inc.

www.M1914.org

www.bibleforchildren.org

